



"A barrier or dam similar to the description of the barrier built by Dhu'l-Qarnayn"]

Yaâ€™juuj fi Maâ€™juuj

Description

Mallattoo Gurguddoo Guyyaa Qiyaamaa-Lakk.3

Yaâ€™juuj fi Maâ€™juuj saboota gurguddoo lama sanyii Aadam irraa taâ€™aniidha. Sababa badii gurguddaa dachii keessatti babalâ€™isaa turaniif Mootiin Zul-Qarnayn jedhamu bakka tokkotti isaanitti cufe. Suuratu Al-Kahf keessatti waaâ€™ee kana ni dubbata. Garuu Qiyaamaan yommuu kalooftu cufaa diiganii gara addunyaa bahu. Qurâ€™aana keessatti waaâ€™ee isaaniitii fi Zul-Qarnayn akkana jechuun dubbata:

يَيْئَنِ السَّدَيْنِ وَجَدَ مِنْ دُونِهِمَا قَوْمًا لَا يَكَادُونَ يُفَقَّهُونَ قَوْلًا ۚ ۱۳ قَالُوا يَيْدَا الْقَرْنَيْنِ
جُوْجَ مُفْسِدُونَ فِي الْأَرْضِ فَهُلْ نَجْعَلُ لَكَ خَرْجًا عَلَىٰ أَنْ تَجْعَلَ بَيْنَنَا وَبَيْنَهُمْ سَدًّا ۚ ۱۴
يَهِ رَبِّيْ خَيْرٌ فَأَعْيُنُوْنِي بِقُوَّةٍ أَجْعَلْ بَيْنَكُمْ وَبَيْنَهُمْ رَدْمًا ۚ ۱۵ إِذَا شَاءَ رَبُّ الْحَدِيدِ حَتَّىٰ
الْصَّدَفَيْنِ قَالَ انْفُخُوا حَتَّىٰ إِذَا جَعَلَهُ نَارًا قَالَ إِذَا شَاءَ رَبُّ الْأَرْضِ أَفْرِغْ عَلَيْهِ قِطْرًا ۚ ۱۶ فَمَا
تَرُوْهُ وَمَا أُسْتَطَاعُوْلُهُ وَنَقْبَا ۚ ۱۷ قَالَ هَذَا رَحْمَةٌ مِنْ رَبِّيْ فَإِذَا جَاءَ وَعْدُ رَبِّيْ جَعَلَهُ وَدَكَّاءً
حَقَّا ۚ ۱۸ وَتَرَكَنَا بَعْضَهُمْ يَوْمِيْدٍ يَمُوْجُ فِي بَعْضٍ وَنُفِخَ فِي الصُّورِ فَجَمَعَنَاهُمْ جَمِعًا ۚ ۱۹

â€œYeroma [Zul Qarnayn] gidduu gaara lamaanii gahe, isaan lamaanii asitti ummata dubbi [isaa] hubachuutti hin dhiyaanne arge. Isaaniis â€œYaa Zul Qarnayn! Dhugumatti, Yaâ€™juuj fi Maâ€™juuj dachii keessatti badii hojjattoota. Nuu fi isaan gidduuutti cufaa akka gootu baasii siif goonuu?â€¢ jedhan. Innis ni jedhe, â€œWaan Gooftaan kiyya isa keessatti naaf mijessitu [wanta isin naaf kennitan] irra caala. Gidduu keessanii fi isaaniitti cufaa nan godhaa humnaan na

gargaaraa. Muraa sibilaa naaf fidaa.â€ Yeroo iddo gaara lamaan gidduu jiru guutu â€œefuufaaâ€ jedheen. Yeroo ibidda [diimaa] isa godhus, â€œSibila baqe isa irratti dhangalaasaa naaf fidaaâ€ jedhe. [Yaâ€™juuj fi Maâ€™juuj] isa irra koruu hin dandeenye, jalaanis isa uruu hin dandeenye. [Zul Qarnayn] ni jedhe, â€œKuni rahmata Gooftaa kiyya irraa taâ€™eedha. Yeroo waadaan Gooftaa kiyyaa dhufe, Inni bittinaaâ€™a isa godha. Waadaan Gooftaa kiyyas dhugaa taâ€™eera.â€ Guyyaa [Yaâ€™juuj fi Maâ€™juuj dhufan] san garii isaanii garii keessa kan yaaâ€™an taasifne gadi dhiifna. Xurunbaanis ni afuufama, [uumama hundaa] guutumatti walitti isaan qabna.â€ Al-Kahf 18:93-99

Zul-Qarnayn mootii humnaa fi loltuu baayâ€™ee qabu ture. Bahaa dhiya deemun namoota gara Rabbiitti waamaa ture. Dachii keessa osoo deemu gara Kaabaatti qajeele. Kallatti kaabaa kanatti gaarreen lama jidduutti dhufe. Gaarreen kanniinii gaditti ummata wanta inni jedhu hubachuu hin dandeenyetu ture. Sababni isaas, afaan ofii malee afaan Zul-Qarnaayn dubbachuu hin dandaâ€™an. Kanaafu, isaan walii galuuf tarjumaana (nama afaan hiikutti) fayyadamu. Gaarreen lamaan kana jidduu banaatu jira. Saboonni Yaâ€™juuj fi Majâ€™uuj banaa kanaan gara ummata kanaatti yaaâ€™un badii addaa hojjatu. Kanneen akka nama ajjeesu, midhaan balleessu, jeequmsa uumu fi kkf. Ummanni cunqurfamanii fi miidhaman kунин gaarummaa, aangoo fi humna Zul-Qarnayn yommuu argan, gaarreen lamaan jidduutti cufaa Yaâ€™juuj fi Maâ€™juujin dhoowwu akka hojjatu gaafatan. Kanaaf, baasi ykn mindaa akka kennaniif itti himan. Garuu Zul-Qarnayn wanti Rabbiinisaaf mijeesse fi laaffise wanta isaanisaaf kennan akka caalu itti himuun cufaa hojjachuuf qophii taâ€™e. Karaan cufaa kana itti hojjataniis muraa sibilaa (hadiidaa) banaa gaarreen lamaan jidduu jiruutti guutuudha. Ergasii akkuma sibila tumtuun sibilatti ibidda afuuftu, muraa sibila tuulamaa kanattis ibidda afuufaa jedhen. Yommuu akka ibiddaa diimatu, sibila koopparii baqe naaf fida irratti dhangaalaasaa jedheen. Yommuu koopparii baqe muraa hadiidaa oltuulame irratti dhangalaasu, garmalee jabaachun akka gaaraa taâ€™e. Kanaafu, Yaâ€™juuj fi Maâ€™juuj gubbaanis utaalun, jalaanis uruun gara namootaa as bahuu hin dandeenye. Garuu guyyaa tokko cufaan kuni ni banamaaf. Kunis kan taâ€™uu yommuu Qiyaamaan kalooftudha.

Hadiisa Abu Hureyraan gabaase keessatti Ergamaan Rabbii (SAW)akkana jedhan:

â€œYaâ€™juuj fi Maâ€™juuj guyyaa hundaa hanga xiyya aduu arganii ni qotu. Itti gaafatamaan isaanii ni jedha, â€œBoru ni qonnaa deebiâ€™aa.â€ Rabbiin kan duraa caalaa cimaa gochuun [wanta isaan qotan] bakkatti deebisa. Hanga yeroon isaanii dhufu kuni akkanumatti itti fufa. Yommuu Rabbiin namoota irratti akka bahan fedhu, hanga xiyya aduu arguu dhiyaatanitti ni qotu. Itti-gaafatamaan isaanii, â€œDeebiâ€™aa boru ni qottuu In sha Allah (Yoo Rabbiin fedhe)â€ Jedha. Isaaniis â€œRabbitiin yoo fedheâ€ jedhu. Kanaafu borumtaa akkuma duraan dhiisanitti itti deebiâ€™u. Isaanis qotuun gara namootatti bahu. Bishaan hundaa dhugani fixu. Namoonni isaan irraa mooraa isaanii keessatti baqachuun of eegu. Ergasii [Yaâ€™juuj fi Maâ€™juuj] gara samii xiyyoota isaanii darbu. [Qormaataaf] xiyyoonnis dhiiga kan ofirraa qaban taâ€™anii isaanitti deebiâ€™u. Ni jedhu, â€œWarra dachii keessa jiran mooâ€™anne jira, warra samii irrattis olâ€™aantummaa argannee jirra.â€ Ergasii Rabbitiin raammoo gateetti morma isaaniitti erguun isaan fixa.â€ Ergamaan Rabbii (SAW) ni jedhan, â€œRabbitiin harka Isaa nafseen tiyya jirtuun kakadhe! Bineensonni dachee irra jiran foon isaaniiitii furdatu.â€ [Sunan Ibn Maajah 4080](#)

Kanaafu, Yaâ€™juuj fi Maâ€™juuj laccofsan garmalee baayâ€™ee taâ€™uu irraa kan kaâ€™e, laga itti dhufan dhuganii fixu. Dachii keessatti badii gurguddaa hojjatu. Hanga Qiyaamaan dhiyaattu cufaa

isaanitti cufame ni qotu. Garuu uruun namootatti as yaaâ€™u hin dandaâ€™an. Rabbiin akka duraan ture caalaatti waan deebisuuf. Haa taâ€™uu malee yommuu Rabbiin akka gara namootatti yaaâ€™an fedhu, cufaa kana uruun namootatti gadi jigu. Ergasii badii fi balleessaa baayâ€™ee hojjatu. Rabbiin subhaanahu wa taâ€™aalaa suurah biraa keessatti ni jedha:

حَتَّىٰ إِذَا فُتِحَتْ يَأْجُوْجُ وَهُمْ مِنْ كُلِّ حَدَبٍ يَنْسِلُونَ ﴿٩٦﴾
 قَرَبَ الْوَعْدُ أَلْحُقْ فَإِذَا هِيَ شَخِصَةٌ أَبْصَرُ الَّذِينَ كَفَرُوا يَوْيَلَنَا قَدْ
 كُنَّا فِي غَفْلَةٍ مِنْ هَذَا بَلْ كُنَّا ظَالِمِينَ ﴿٩٧﴾

â€œHanga yeroo [cufaan] Yaâ€™juuj fi Maâ€™juuj banamee isaaniis tabba hundarraa ariitiin gadi bubbuaâ€™anitti [namoonni dhuman gara addunyaa hin deebiâ€™an]. Waadaan dhugaas dhiyaate. Yeroo san ijji namoota kafaranii ni bobaasti. â€˜Yaa badii keenya nuti kana irraa daguu (gaflaa) keessa turre. [Yoom kana qofa] inuma miidhaa raawwattoota (zaalimota) turre.â€™ Jedhu.â€• Suuratu Al-Anbiyah 21:96-97

Namoonni sababa badii isaaniitiin addunyaa tana irraa xuruuraman ykn dhuman, hanga cufaan Yaâ€™juuj fi Maâ€™juuj banamuutti gara addunyaa tanaa hin deebiâ€™an. Garuu yommuu Qiyaamaan dhaabbattu murtiif ni kaafamu. Qiyaamaan dura cufaan isaanii yommuu banamu, Yaâ€™juuj fi Maâ€™juuj lafa olkaâ€™aa (tabba) hundarra gara addunyaatti ariitin yaaâ€™un fasaada (balleessaa) guddaa raawwatu. Aayah keessatti yansiluun jechuun ni ariifatu. Ummanni Yaâ€™juuj fi Maâ€™juuj balleessaa fi badii guddaa raawwachuuf dachii keessa ariitiin adeemu.

Ummanni kuni cufaa isaanii keessaa yaaâ€™anii gara addunyaa jiguun mallattoo Qiyaamaan dhiyaachu agarsiisudha. Kanaaf itti aanse, â€œWaadaan dhugaas dhiyaate.â€• Jedhe. Kana jechuun Guyyaan Qiyaamaa Rabbiin waadaa gale ni dhiyaata. Waadaan Isaa haqaa fi dhugaadha. Guyyaa kana, sodaa fi rifannaa cimaa irraa kan kaâ€™e ija kaafirootaa tan bobaastu taate argita. Yakkaa fi balleessaa hojjataa turan yommuu beekan badii, gaddaa fi gaabbiif oritti waamu[1]. Ni jedhu, â€œYaa badii keenya nuti kana irraa daguu (gaflaa) keessa turre.â€• Kana jechuun gaflaa keessatti kan lixne, waaâ€™ee Qiyaamaa ilaalchisee odeeefanno Ergamtooni beeksisanitti kan hin amanne taanee oduu Qiyaamaa irraa dheessaa turre.

Wanta tokko irraa gaflaa (daguu) keessa taâ€™uu jechuun- wanti suni nama afoo osoo jiruu ykn mallattooleen isaa osoo jiranuu irraa garagaluu fi xiyyeefanno itti kennuu dhiisudha. Namni Qiyaamaatti amanuu irraa garagaluu, gahuumsa isaa fi jazaa Rabbii gara fuunduraatti qunnamu arguu irraa fedhiin lubbuu addunyaa keessatti isa koâ€™oomsite jirt[2]. Fedhiin lubbuu inni hordofu Qiyaamatti akka hin amannee fi xiyyeefanno itti hin kennine isa taasise jira. Galaana fedhii lubbuu keessa daakuu malee gahuumsa isaa itti hin yaadu.

Guyyaa Qiyaamaa erga gara nafsee isaanitti deebiâ€™anii of arganii booda zaalimoota haqa Rabbiin kitaaba Isaa keessatti buusetti hin amanne taâ€™u ni hubatu. Yakkaa fi badii hojjachuun, haqa Rabbiin beeksise kijibsisuun zaalimoota (miidhaa raawwattoota) akka taâ€™an ni beeku. Kanaafu ni jedhu, â€œ**inuma miidhaa raawwattoota (zaalimota) turre.**â€™Ergasii azaabatti akka oofaman ajajamu. Rabbiin warroota Qiyaamaa irraa gaflaa keessa taâ€™anii fi Guyyaa san salphatan keessaa taâ€™uu irraa nu haa tiiksu.

[1] Tafsiir Saâ€™diyy- fuula 619

[2] Maâ€™araaji tafakkur wa daqaaâ€™iqu tadabbur- 14/368

<https://islamqa.info/en/answers/3437/do-yajooj-and-majooj-exist-at-the-present-time-and-is-the-barrier-real>

[The End of The World-fuul](#) 361-â€!

Date Created

May 9, 2019

Author

admin